



周兩勝先生行狀

先生諱嘉猷字辰告以兩勝自號杭州錢唐人也曾  
祖諱霖贈奉直大夫祖諱激禮部儀制司員外郎考  
諱龍瓚舉人贈文林郎妣蔣氏贈孺人先生生有異  
稟讀書一過即倍諷無所遺儀部公假歸手錄經史  
課誦辨文審音以求義訓不使爲俗學故先生年及  
成童始習舉子業詩古文辭每一篇出輒驚其老宿  
同郡杭董浦編修深相愛重呼爲小友于是知名乾  
隆九年舉于鄉二十二年成進士考孝廉公里居樂



恬退一應禮部試訖不復往先生自公車外未嘗遠  
遊授徒給養日事鉛槧旁及典章律例之學諸暨湯  
稼堂中丞爲江西布政使與先生有舊延至南康至  
白鹿洞書院教諸生不專用時義恒以經史相切劘  
一歲中弟子之籍倍進明年湯公移陝西先生遂入  
藩幕章疏書記叢冗填委而讀書撰著不爲輟未幾  
以奉考諱歸杭時乾隆二十六年也自是湯公歷江  
西湖北雲南貴州巡撫先生皆在幕中其撫雲南也  
緬人不靖先生從湯公進駐永昌或勸北歸先生慨

然曰僕以進士需銓次當報

國恩况湯公見招本藉緩急之助若軍書旁午之秋  
引身事外豈僕所以荅知己哉遂畱不去越二年湯  
公罷先生與偕入京師謁選人除青城縣知縣復爲  
經紀其家事而後行既之官以安靜爲治愛民慎獄  
不爲赫譽聞進諸生與論經義以行卷贖者親加評  
隲篝鐙夜閱無倦容在縣三年兩充鄉試同考官有  
得人之目卅六年改益都縣尋權知膠州其治皆視  
青城三十九年九月壽張人王倫挾左道構亂大學

士舒公帥師討賊先生供軍儲德州舒公詢能爲奏者巡撫以先生對檄至臨清賊平凡核銷兵餉及一切善後事宜悉委先生綜理因暫攝運司判官明年秋始還益都又明年乘輿東巡先生再預卓異之薦赴行在引

見旋署德州知州格于部議不果遷時益都城垣半圯士庶先請捐脩繼以工鉅弗克歲事先生察民力已殫爲言于大府發公帑繕焉久之歷城縣缺員先

生往攝其事踰年還治復以計典被薦再對

行在令秩已滿十歲城工且竣遷有日矣偶感疾覺胸中氣梗然飲啖自若夏間忽下利不止病遂革以四十六年六月八日卒于官舍壽六十有一配范氏贈孺人其卒也前于先生二十二年終身不再娶子一慶承國子監生女子一人適貴溪上清鎮巡檢仁和湯照先生天性峭直不苟合于人家素貧服官十四年未增一壘之植獨好學嗜古籍雖治劇邑未嘗去書從士大夫家得一秘本傭鈔審勘如恐不及易

簣之晨尚力疾寫書三四行乃絕筆嘗語同志以爲  
不讀書而強欲撰述適足供覆瓿之用君等視余著  
書與鈔書孰多則知爲學之術矣文章爾雅久爲上  
官所知三十六年土爾扈特和碩特款塞貢馬巡撫  
周公屬先生爲作賀摺奏上欽奉

硃批文竟好果汝所作乎周公即以先生名具奏時  
論方徐渭進白鹿表顧文長當時名不達于上也遺  
著有南北史年表一卷帝王世系表一卷世系表四  
卷南北史摺華八卷校注五代史記左傳文選東都

事略等書及金石文字跋尾未分卷第詩文若干篇  
俱在行篋謹撰次歷官行事如右以俟當世立言君  
子請垂采擇焉乾隆四十六年九月十九日門生益  
都楊峒狀

文林郎山東益都縣知縣周兩滕先生墓誌銘  
乾隆五十二年丁未錢塘周慶承將葬其父兩滕先  
生于某山之原排纂羣行踵門乞余爲幽堂之銘余  
與兩滕君居相近年相若性情嗜好俱相類而未獲  
締交乙亥秋忽忽于葦浦杭丈坐一晤杭丈呼爲小  
友隱然若畏之余益心嚮慕焉嗣是踪跡遼闊日月  
侵尋余既老而君已泉扃永隔越五六年矣嗚呼以  
平昔願交未遂之碩彥猶得一經理其葬事厚幸也  
曷敢辭按狀君諱嘉猷字辰告以兩滕自號先世孟

英公于明嘉靖間自會稽占籍錢塘至君十世矣曾祖霖贈奉直大夫祖激禮部儀制司員外郎考龍瓚舉人贈文林郎母蔣氏贈孺人君生有異稟讀書明敏過人略上口輒倍諷無所遺儀部公假歸手錄經史課誦辨義審音句鍛月鍊不使獵等俗學故君年及成童始爲舉子業詩古文辭不務多作每一篇出輒驚其老宿乾隆甲子舉于鄉丁丑成進士釋褐後未常遠游授徒給養日事鉛槧旁及典章律令經世有用之言以恢宏其學識諸暨湯稼堂中丞爲江西

布政使延君至南康掌白鹿書院教諸生不專用時藝壹以六籍爲主盟一歲中弟子之籍倍進明年湯公移陝西迎入幕府都賓師之位章疏書記冗雜填委而讀書撰著不少輟未幾奉考諱歸抗湯公歷撫江西湖北雲南貴州皆復挽君俱其撫雲南也緬人不靖君從駐永昌或勸北歸慨然曰僕以進士需銓國事何非身事矧湯公見招本藉緩急之物當軍書旁午引身事外豈所以荅知己哉竟留不去越二年湯公罷君偕入京師適銓次及遂謁選人除山東

青城縣知縣且為經紀其家事後行既之任用安靜  
為治順民之情與民休息鞠案悉口占手判不假羣  
吏暇與諸生商榷經義以行卷贄者親加評隲篝燈  
夜閱無倦容在縣三年兩充鄉試同考官有得人之  
目三十六年改益都縣尋權知膠州其治皆如青城  
三十九年壽張匪人王倫挾左道搆亂大學士舒公  
率師勦搆君峙芻糧德州舒公詢能為章奏者撫軍  
以君對檄至臨清君展夙裕之略揆務輯議飛戩露  
布咸倚馬而待成賊平暫兼運司判官委以額鎖軍

餉及一切善後事宜當糾紛刼劇之區夙夜淬厲規  
畫獻替無不中體要初王倫揭竿壽張僅五六百人  
迨至臨清衆已逾萬大氐多良民被驅迫入絳渠魁  
既殲捽曳株繫累累然尚千餘人君奉檄詳核情罪  
廉得其實輒言于大僚廣  
天子義正仁育至意得全活者殆以百計明年秋始  
還益都又明年

乘輿東巡以兩廉卓異之選赴行在引  
見簡署德州知州格于部議未得即真時益都郭郭

半圯士民先請捐修以功鉅弗克舉君察民力凋<sub>馬</sub>劫  
咨于大府發公帑氓庶安堵均若不知為者歷城縣  
缺員往攝其篆值河決儀封豫省檄咨山東協辦柴  
薪以千萬計期<sub>限</sub>不容刻緩中丞國公令君總率其  
事往來東昌臨濟曹濮間劬躬鞅掌不數月告歲中  
丞大倚重之奏請調任歷城以兩縣同屬煩劇不果  
尋奏陞濮州又以益都城工未竣不果至是君之歷  
仕益都凡十季矣三遇計典仍以論最列薦剡再對  
行在

特加甄獎城工且竣遷有日矣積勞疾作二豎為災  
遂終于益都官舍時乾隆四十六年六月八日春秋  
僅六十一<sub>例</sub>州授文林郎配范氏贈孺人前君二十二  
季卒不再娶子一慶承國子監生好學能繼父志女  
子子一適貴溪上清鎮巡檢仁和湯公<sub>照</sub>弟五人先已  
析箸君令青城復出餘俸共之姪慶臻慶餘給貲令  
游太學<sub>並</sub>為授室女姪三人俱為擇壻畢嫁視與已  
子女無少別也家本寒峻服官後自贍諸弟外未增  
一壟之植獨購古籍不知休雖治劇邑未嘗置書從

士大夫家得一善本備鈔審勘如恐不及易簣晨尚  
力疾寫三四行乃絕筆嘗語後學以為不讀書而強  
撰述適足供覆瓿之用君等視余著書與鈔書孰多  
則知為學之術矣三十六年土爾扈特和碩特欵塞  
貢馬巡撫周公屬作賀摺奏上欽奉  
硃批文竟好果汝所作乎周公以君名具奏時論方  
徐渭進白鹿表顧謂謂當日名不達于上也遺著有兩  
北史表一卷帝王世係表一卷世系表四卷南北史  
撫華八卷校注左傳史記五代史東都事略文選等

書及金石文字跋尾未分卷第詩文若干篇密藏在  
于家銘曰

繫昔為政尚儒術孰守而迂施而窒儒之真偽詎可  
必兩媵先生今粹儒胸熟太平經國書牛刀小試墨  
綬紆煦嫗一方澤優渥劇職量移游刃綽洽譜爭鈔  
世傳學所試小也有若斯苟竭其蘊當何其胡天中  
壽不慙遺馬鬣新封過者式砧石瑑銘銘不泐匪石  
之固固維德



先生大德... 又曰國華... 世翰學... 必所... 黎苗... 于... 曰

書及金... 子... 曰



